

REPUBLIKA E SHQIPERISE
Këshilli i Ministrave

VENDIM

Nr.29 datë 28.1.2002

PER

**DISA SHTESA DHE NDRYSHIME NE VENDIMIN NR.190, DATE
3.5.1995, TE KESHILLIT TE MINISTRAVE-" PER ZBATIMIN E
LIGJIT NR.7874, DATE 17.11.1994" "PER STATUSIN E
VETERANIT TE LUFTES ANTIFASHISTE
NACIONALCLIRIMTARE TE POPULLIT SHQIPTAR"ME
NDRYSHIMET PERKATESE**

Në mbështetje të nenit 100 të Kushtetutës dhe të nenit 14, të ligjit nr.7874, datë 17.11.1994, "Për statusin e veteranëve të Luftës Antifashiste Nacionalclirimtare të popullit shqiptar", ndryshuar me ligjet nr.8526, datë 23.9.1999 dhe nr.8664, datë 18.9.2000, me propozimin e ministrit të Mbrojtjes, Këshilli i Ministrave

VENDOSI:

Në vendimin nr.190, datë 3.5.1995, të Këshillit të Ministrave, ndryshuar me vendimet nr.467, datë 4.9.1995, nr.2, datë 10.1.1996, nr.562, datë 2.12.1999, nr.353, datë 7.7.2000, dhe nr. 114, datë 8.3.2001, të Këshillit të Ministrave të bëhen këto shtesa dhe ndryshime:

1. Në pikat 1, 19 dhe 21 pas shprehjes "Departamenti i veteranëve dhe i invalidëve të luftës...", fjala "e të ushtrisë", të hiqet.

2. Pika 9 të riformulohet si më poshtë vijon:

9.a. Të internuarit në kampet nazifashiste të përqendrimit, përvec shpërblimit të veteran sipas shkronjës "a", të pikës 7, të marrin edhe shpërblimin e invalidit të Luftës, të grupit të parë.

b. Të internuarit në kampet e internimit, brenda dhe jashtë vendit, shpërblehen me dyfishin e masës së shpërblimit që përfitojnë ish-të burgosurit në burgjet nazifashiste, që kanë qëndruar mbi 6 muaj në këto burgje."

3. Në pikë nr 14 masa e shpërblimit të anëtarëve të komisionit qendror të "Statusit të veteranit" të Luftës Antifashiste Nacionalclirimtare nga 900 (nëntëqind) lekë bëhet 2000 (dy mijë) lekë për pjesëmarrjen në mbledhje, për specialistët nga 540 (pesëqindedyzet) lekë bëhet 700 (shtatëqind) lekë për ditë pune."

4. Pas pikës 22 shtohen pikat si më poshtë vijnë:

"23.a. Komisioni qendror i "Statusit të veteranit" të Luftës Antifashiste Nacionalclirimtare ia njeh këtë status veteranit, që ka marrë shpërblimin prej 100 lekësh në muaj dhe që ka vdekur para hyrjes në fuqi të ligjit nr.7874, datë 17.11.1994, dhe i jep familjes së tij dëshminë "Familje veterani".

b. Dëshmia "Familje veterani" i jepet edhe familjes së veteranit, pas vdekjes së tij, i cili e ka patur "Statusin e veteranit" të Luftës Antifashiste Nacionalclirimtare .

24. Forma dhe përmbajtja e dëshmisë miratohen nga ministri i Mbrojtjes.

25. Përbërja e komisionit qendror të "Statusit të veteranit" të Luftës Antifashiste Nacionalclirimtare të jetë sipas funksioneve organike, të ernençuar në listën, që i bashkëlidhet këtij vendimi.

26. Komisioni qendror i "Statusit të veteranit" të Luftës Antifashiste Nacionalclirimtare dhe stafi teknik i tij të vazhdojnë veprimtarinë edhe ër vitin 2002.

Deri më 30 korrik 2002 të përfundojnë praktikat për dhënien e "Statusit të veteranit".

Deri më 30 nëntor 2002 të përpunohet, inventarizohet, përgatitet e orëzohet i tërë dokumentacioni në Arkivin Qendror të Forcave të rmatosura".

5. Vendimi nr.540, datë 9.10.1995, i Këshillit të Ministrave, "Për iratimin e komisionit qendror dhe të komisioneve të rretheve për tatusin e veteranit të Luftës Antifashiste Nacionalclirimtare" shfuqizohet

6. Efektet financiare të përballohen nga fondet e caktuara për veteranët ë buxhetin e vitit 2002, miratuar për Ministrinë e Mbrojtjes

7. Ngarkohet Ministria e Mbrojtjes për zbatimin e këtij vendimi

Ky vendim hyn në fuqi pas botimit në "Fletoren zyrtare"

KRYEMINISTRI

ILIR META

MINISTRI I MBROJTJES

PANDELI MAJKO

LISTA

**E PERBERJES TE KOMISIONIT QENDROR PER DHENIEN E STATUSIT
TE VETERANIT TE LANC-it TE POPULLIT SHQIPTAR**

1. Zëvendës Ministri i Mbrojtjes

Kryetar

2. Drejtuesi i Strukturës përkatëse për Veteranët dhe Invalidët e Luftës dhe Dëshmorëve të Atdheut	Nënkryetar
3. Përfaqësuesi i Institutit të Sigurimeve Shoqërore	Nënkryetar
4. Një Jurist i Drejtorisë Juridike në Ministrinë e Mbrojtjes	Anëtar
5. Drejtori i Arkivit Qendror të Ushtrisë	Anëtar
6. Një Specialist i Arkivit Qendror të Shtetit	Anëtar
7. Një përfaqësues i Ministrisë së Rendit	Anëtar
8. Një përfaqësues i Ministrisë së Shëndetësisë	Anëtar
9. Një përfaqësues i Ministrisë së Punës he Cështjeve Sociale	Anëtar
10. Një përfaqësues i Ministrisë së Drejtësisë	Anëtar
11. Tre përfaqësues të Organizatave të Veteranëve	Anëtar
12. Dy përfaqësues të Organizatës së Invalidëve të Luftës dhe të Ushtrisë	Anëtar